

國魂詩選

中編

新中國建設學會叢書之十五

國魂詩選
中編

王家楫纂

國魂詩選中編作者傳略

曹

翰

大名人，少爲郡小吏，多智數，周太祖鎮鄴，與語奇之，以隸世宗帳下，仕至樞密承旨，宋初從太祖征澤潞，平江南，太宗時又從下太原，征幽州，皆有功，累遷左千牛衛上將軍，

諡武毅。

王禹偁

字元之，鉅野人，九歲能文，太宗朝舉進士，爲右拾遺，遇事敢言，以直躬行道爲己任，嘗獻端拱箴及禦戎十策，文章獨步當時，累遷翰林學士，所著有文集五十餘卷。

徐

鉉

字鼎臣，廣陵人，精小篆，文章有典則，仕於南唐，官至吏部尙書，後歸宋爲太子率更令，著有騎省集。

蘇舜欽

字子美，梓州銅山人，少有大志，好爲古文，弱冠極言時政，後爲集賢校理，去官後居吳市，有蘇學士集。

張

詠

字復之，自號乖崖，濮州鄆城人，太宗時進士，兩知益州，又任十州安撫使，遷吏部尙書，卒贈左僕射，諡忠定，有乖崖集。

梅堯臣

字聖俞，宣城人。初爲河南主簿，仁宗召試，賜進士出身，爲國子監直講，遷都官員外郎，有宛陵集。

歐陽修

字永叔，江西廬陵人。四歲而孤，母誨之學。舉進士甲科，爲諫官，旋謫知滁州，後拜翰林學士，參知政事，致仕後，自號六一居士。卒，贈兗國公，諡文忠。著有新唐書二百二十五卷，五代史一百五十卷，文忠集一百五十三卷，六一詩話一卷，洛陽牡丹記一卷，歸田錄二卷，集古錄十卷。明嘉靖中，從祀孔廟。

范仲淹

字希文，吳縣人。刻苦讀書，博通經籍。舉進士。仁宗時，爲右司諫，後以龍圖閣直學士知延州，復擢爲樞密副使，進參知政事，卒。諡文正。有范文正集。

石介

字守道，兗州人。舉進士，官至太子中允，出爲嘉州判官，有徂徠集。

韓維

字持國，開封雍邱人。以父輔政，不試進士，宰相薦以好古嗜學，遂授以職。神宗時，累官龍圖閣直學士，有南陽集。

王珪

字禹玉，萬州人。弱冠時，即奇警。慶歷中，及第，累官尚書左僕射兼門下侍郎，封岐國公。卒，贈太師。所著有華陽集百卷。

王安石

字介甫，號半山，江西臨川人。生有異質，博覽強記，善辯不屈，所爲文淵源出於典故，擢進士上第，神宗朝拜同平章事，銳意推行新法，封荊國公。卒諡曰文，有臨川集一百卷。

蘇軾

眉山，人，洵長子，字子瞻，號東坡居士。舉制科，累官翰林學士，兵部尚書，諡文忠，弱冠博通經史，爲文渾涵光芒，雄視百世，詩亦卓犖爲豪，爲宋名家。全集二百十五卷，志林五卷。

蘇轍

洵次子，字子由，號穎濱，又號欒城，與兄同登進士，累官翰林學士，門下侍郎，諡文定，有欒城集等書。

王令

字逢原，廣陵人，王安石愛其才，妻以吳夫人之女，弟有廣陵集。

文同

字與可，梓潼人，操行高潔，擅詩文書畫，舉進士，遷太常博士，集賢校理，服知陵洋湖州，有丹淵集。

黃庭堅

字魯直，洪州分寧人，舉進士，歷起居舍人，紹聖初，貶涪州別駕，黔州安置，建中靖國初召還，知太平州，復除名，編管宜州，自號山谷老人，有豫章集三十卷，別集十四卷。

張耒

文潛，楚州淮陰人，第進士，官太常少卿，有柯山集，宛邱集，詩說等書。

沈 邁

字文通，錢唐人，皇祐進士，歷知杭州，遷龍圖閣直學士，知開封府，拜翰林學士，有西溪集。

沈 與求

字必先，德清人，政和進士，累官御史中丞，遷吏部尚書，金人入寇，贊高宗親征，卒諡忠敏，有龜溪集。

徐 積

字仲車，山陽人，事母至孝，賜諡節孝處士，有節孝集。

李 邁

未詳。

唐 庚

字子西，丹稜人，舉進士，官至承議郎，有唐子西集。

范 浚

字茂明，蘭谿人，紹興間舉賢良方正，以秦檜當國不起，閉門講學，學者稱香溪先生，有香溪集。

李 若水

字清卿，曲周人，靖康初以上舍登第，爲太學博士，金人入寇，遷若水爲使，隨欽宗入金營，金人逼帝易服，若水抱持而哭，詆金人爲狗，遂遇害，諡忠愍，有忠愍集。

滕茂實

字季穎，臨安人，政和進士，靖康初，假工部侍郎，副路充迪出使，爲金人所留，遷之代州，聞欽宗將至，自爲哀詞，金人迫易服，不從，請從舊主共行，金人不許，憂憤成疾卒。

何弘中

字定遠，代州人，宣和末，賊擾江左，弘中決策破之，授河東北路統制，接應使，使金不屈，有成，眞通理二集。

王士敏

太和人，北軍至，與劉士昭謀復太和縣，事敗入獄，衆多乞憐，士敏獨慷慨不撓，臨刑歎曰：恨吾病失聲，不能大罵耳。

季柄

未詳。

林宗偉

未詳。

李綱

字伯記，邵武人，歷仕徽、欽、高三朝，官至宰相，負全國重望，諡忠貞，有梁谿集。

岳飛

字鵬舉，湯陰人，負氣節，誓以忠義報國，初授河南北諸州招討使，轉少保，大功垂成，爲秦檜所害，追諡忠武，有忠武集及武穆遺文。

謝克家
未詳。

劉子翬

字彥沖，崇安人。幹子。彥沖痛憤父死，廬墓三年，執喪致羸，服除，授通判興化軍，以不堪吏事，辭歸武夷山，妻死不再娶，事母兄盡孝友，講書不倦，學者多從之。遊家居屏山，有

園林水石之勝，

號屏山先生。

張元幹

字仲宗，長樂人。紹興中，坐送胡銓及寄李綱詞除名，有歸來集、蘆川詞。

辛棄疾

字幼安，號稼軒居士，歷城人。耿京聚兵山東，棄疾爲掌書記，勸京奉表歸宋。會張安國殺京降金，棄疾趣金營縛之以歸，獻俘行在，授承務郎。孝宗時，以大理少卿出爲湖南

安撫，治軍有聲，仕至龍圖閣待制，性豪爽，尚氣節，諡忠敏，其詞縱橫慷慨，有稼軒詞、稼軒集。

陸游

字務觀，山陰人。佃孫。年十二，能詩文，蔭補發仕郎，試禮部前列，秦檜嫉之，檜死，始爲甯德主簿。孝宗朝，擢編修，出知夔嚴二州，俱有令聞，召修孝光實錄，書成，進寶章閣待制。

致仕，著有渭南文集五十卷，劍南詩集八十五卷，老學庵筆記十二卷，入蜀記六卷，南唐書十八卷，游憤宋室偏安，志存光復，故爲詩多悲壯沈雄。

眞德秀

字景元，浦城人，學宗朱熹，潛心道學，官至參知政事，諡文忠，著有大學衍義四十三卷，西山文集五十五卷，書記文章正宗四十卷，從祀孔廟。

范成大

字正能，號石湖居士，吳縣人，紹興中進士，隆興中出使金國，秉節盡忠，後以資政殿大學士奉祠，成大素有文名，尤工於詩，有石湖集百三十六卷，吳門志五十卷。

張孝祥

字安國，讀書過目不忘，紹興中進士第一，累官集英殿修撰，歷官平江、靜江、荆南，皆有聲績，有子湖居士集。

崔與之

字正子，增城人，紹興進士，擢廣西提點刑獄，及安撫淮東，金人犯淮西，與之因滁阻山，創五砦，結忠義兵守之，諡清獻，有菊坡集。

劉克莊

字潛夫，號後村，特賜進士出身，除秘書少監，兼中書舍人，累官至龍圖閣直學士，爲政有直聲，諡文定，有後村居士集。

王廷珪

安福人，舉進士，有廬溪集。

國魂詩選

中編作者傳略

七

戴復古

字式之，天台人，篤志古學，從林景思游，又登三山陸放翁之門，講明詩法，後又走東吳浙西襄漢淮粵間，凡二十餘年，然後歸，詩乃大進。

岳珂

飛之孫，彰德人，甯宗朝發遣嘉興軍府，兼內勸農事，有惠政，痛其祖爲秦檜所陷，爲昭雪之，有玉松集、金陀粹編、愧鄉錄等書。

陳亮

字同父，永康人，幼穎異，恒以經濟天下自任，孝宗時詣闕上書，兼論宰相得失，紹熙四年策進士第一，授建康僉判，未至卒，謚文毅，有龍川文集。

劉過

字改之，廬陵人，以詩名于時，有龍洲集及龍洲詞。

王埜

字子文，嘉定進士，以訪察使出視江防，由嘉興至京口，修官兵民船，江上晏然，拜端明殿學士，與宰相不合，主管洞霄宮卒。

曹幽

字西士，嘉泰進士，累官左司諫，有直聲，卒謚文恭。

陳經國

嘉禧淳祐間人，有龜峯詞一卷，餘未詳。

文及翁

字時學，號本心，四川錦州人，寶佑進士，官參知政事，宋亡，元世祖徵之不出。

文天祥

江西廬陵人，字履善，號文山，舉進士第一，歷仕湖南提刑，元兵至皋亮山，天祥往說之，被脅至真州遁去，募兵勤王，拜右相，挾二王入閩廣，兵敗被執，囚於燕京，四年不屈死。

柴市有指南

吟嘯等集。

鄭思肖

字億翁，號所南，福州連江人，以太學上舍應博學鴻詞科，會元兵南下，叩闕上太后幼主疏，辭切直，忤當路，不報，遂客吳下，寄食城南報國寺以終。

謝枋得

字君直，信州弋陽人，寶祐中舉進士，除撫州司戶參軍，即棄去，宋末辟爲江西招諭使，知信州，與元兵戰不利，乃變姓名披麻衣賣卜建陽，天下既定，遂居閩中，元人徵之，不

食而死，有疊山集及文章軌範。

游古意

未詳。

謝翱

字皋羽，福建長溪人，徙浦城，倜儻有大節，以慕屈平，託興遠遊，號唏髮子。宋亡，恣遊山水以終，有唏髮集，天地閒氣集，西臺慟哭記，冬青引，行於世。

汪元量

字大有，錢唐人，度宗時以善琴出入宮庭，宋亡，爲黃冠，自號水雲子，有湖山類稿，水雲集，其詩慷慨悲歌，多紀國亡北徙事。

陸秀夫

字君實，鹽城人，景定初進士，德祐初以禮部侍郎使軍前，請和不就，益廣二王走溫州，秀夫追從之，後立益王於福州，王昚又立衛王爲左丞相，元至元中，崖山破，負王赴海死。

趙卯發

字漢卿，昌化人，咸淳間通判池州，元兵南下，困守良久，知不可爲，與妻雍同自殺，諡文節，雍贈順義夫人。

陳文龍

初名子龍，字君實，興化人，咸淳中廷對第一，度宗易其名，拜監察御史，後益王以爲參知政事，石手軍亂，討平之，元兵南下，發兵自守，被執，不食死，其母被繫福州尼寺，曰吾與兒同死，又何恨哉，亦死，諡忠肅。

方

鳳

一名景山，字韶卿，浦陽人，容州文學，宋亡不仕，有存野堂稿。

李春叟

字子先，東莞人，寶祐間授惠州司戶，有賢能聲，後元兵欲勦東莞，春叟扁舟往謁其師，以死爭，遂已。

王元佐

未詳。

諸葛夢宇

未詳。

何文季

未詳。

以上宋

梁持勝

字經甫，金人，多力善射，泰和進士，中弘詞科，累遷威平路宣撫司經歷官。

國魂詩選

中編作者傳略

李獻甫

字欽用，金人，舉興定進士，有《天倪集》。

元好問

字裕之，太原秀容人，七歲能詩，及長，淹貫經史百家，金宣宗興定三年，登進士第，官至尚書左司員外郎，天興初入翰林，知制誥，金亡不仕，卒年六十，有八世稱遺山先生，著有《遺山集》四十卷，中州集十卷，唐詩鼓吹十卷，行於世。

劉因

初名駟，字夢驥，容城人，至元中，不忽木以學行薦於朝，以母疾辭，卒諡文靖，有《靜修集》等。

趙孟頫

字子昂，歸安人，宋宗室，博通經史，工詩，能文，善書畫，舉進士，爲潤州錄事參軍，宋亡，家居，益力於學，至元間，以薦入朝，授兵部侍郎，累官翰林學士承旨，卒諡文敏，追封魏國公。

陳孚

字剛中，號笏齋，台州臨海人，至元中，以布衣上《大一統賦》，署上蔡書院山長，副梁曾使安南，累官至台州路總管府治中，致仕，卒於家，詩文不事雕斲，有《集行世》。

傅若金

字與礪，新喻人，家貧力學，爲同郡范梈所知，得其詩法，以布衣至京師，數日之間，詞章傳誦，名勝之士，莫不倒屣而迎，以爲上客。蜀郡虞集、廣陽宋瑩，以異材薦之，佐使安南。

歸除廣州文學教授，至正三年卒。詩有初葉，南征藁，使還新藁，木鐸音，歿後其弟若川次舟重，爲編次，鐸梓總名曰清江集云。

吳師道

字正傳，蘭溪人，幼學於金履祥，延祐間，爲國子博士，以禮部郎中致仕，著有易詩書雜說，春秋胡傳附辨，戰國策校注，及文集二十卷。

張養浩

字希孟，濟南人，以省薦爲東平學正，拜監察御史，累官翰林直學士，禮部尙書，卒，封濱國公，諡文忠。

虞集

字伯生，號道園，蜀郡人，徙臨川之崇仁，累遷祕書少監，翰林直學士，兼國子祭酒，拜奎章閣侍書，進侍講學士，卒，諡文靖，著有道園學古錄五十卷。

姚燧

字端甫，累官至翰林學士承旨，卒，諡文有，牧菴集。

黃君瑞

未詳。

楊 奐

字煥然，奉天人，隱居鄂縣，講學授徒，人稱紫陽先生，有還山遺稿一卷。

周 震

字亨遠，安福人，自號石田子，屢試不售，遂肆志古文詩詞，有石初集。

楊 楨

字廉夫，諸暨人，舉進士，元末兵亂，浪跡浙西山，水間，明興，天下大定，被召至京，肺疾作而卒。

倪 瓚

字元鎮，無錫人，性好潔，博學好古，工詩畫，家故饒貲，一旦舍去，曰：天下多事矣，往來五湖三泖間，人望之若仙，嘗自謂癡瓚，亦曰倪迂，有清閬閣藁。

以上金及元

劉 基

字伯溫，青田人，年十四，通春秋，能文章，精天文兵法，明初，陳時務十八策，太祖曰：吾子房也，累遷御史中丞，論功封誠意伯，有誠意伯集二十卷。

宋 濂

字景濂，金華浦江人，元進士，以文章名，太祖定鼎後，聘之官至翰林學士，承旨，諡文憲，著元史，有宋學士全集。

袁

凱

字景文，華亭人，議論英發，尤長於詩。洪武中爲御史，以疾罷歸，有在野集。

宋

訥

字仲敏，滑縣人。元季官鹽山知縣，明初徵爲國子助教，官至文淵閣大學士，遷祭酒。

林

弼

字元凱，龍溪人。元至正中進士，工文詞，著聲閩浙間。仕爲郡幕官，入明與修元史，授考功主事，使安南，贈以金珠弗受。強致之，旣還，悉獻於朝。朝廷嘉之，賜以白金，尋命知豐城，有善政，後爲考功郎中，出爲登州知府，著有文集。

高

啓

字季迪，長洲人。洪武初召修元史，授翰林院國史編修，擢戶部侍郎放還，爲魏觀作上梁文，連坐死。

張

羽

字來儀，後以字行，更字附鳳，本潯陽人，後居吳興。官至太常寺丞，坐事竄嶺南，未半道召還，自知不免，投龍江死，有靜居集。

袁

介

未詳。